


Michael Lampe a sa di inspira publico durante e Cumbre Nacional di Cultura 'Cultura di Aruba ta dinamico, Cultura ta nos tur hunto'

DEN cuadro di e maneho nobo di cultura di Aruba, Ministerio di Cultura y Departamento di Cultura Aruba (DCA) a organisa e Cumbre Nacional di Cultura, unda cu a conta cu un presentacion hopi moderno di Sr. Michael Lampe. Michael Lampe ta un hoben profesional conoci desde edad hoben caba como un artista local cu ta crea y compone musica cu ta consisti di un mescla di moderno y folklorico. Durante su presentacion el a conta nos con su carera musical a cuminsa danki na e inspiracion y motivacion di nos cultura. Loke Michael ta splica den su presentacion ta cu cultura di Aruba a yuda forma su identidad, den cierto grado el a yude forma su profesion den e direccion di musica cu e ta toca awe. For di un edad hoben Michael ta conta con el a a cuminsa colabora cu colega musico local cu a sa di inspira pa asina aki crea su prome album. E ta di opinion cu si artistanan colabora mas cu otro y inspira otro,



esaki lo yuda nos cultura prevalece. Na momento cu el a cera conoci cu e posibilidad pa 'sample' musica den e caso aki saca di nos cultura y incorpora esaki den un estilo mas moderno, un caminda nobo a habri pe. Por medio di tecnolo-

gia e ta hiba cultura di Aruba dilanti. Su amor pa musica y cultura di Aruba, cu ta su cas, ta motive pa sigui hiba nos cultura dilanti. Esaki e ta haci por medio di su presentacionnan den exterior. Michael a sa di duna un presentacion hopi

dinamico contanto con pe cultura tanto di Aruba como tambe influencianan di afo ta elementonan hopi importante cu a yuda forma su identidad y su carera. Sr. Lampe ta conta con e la wordo inspira despues di a conoce Buchi Boekhoudt cu ta traha caha di orgel y a mira e 'gap' grandi cu ta existi entre e generacionnan. Asina Michael a yega na e idea pa conecta un generacion cu e otro por medio di su musica. El a cuminsa na 'sample' e notanan di e caha di orgel y a incorpora esakinan den su musica, Michael Lampe ta di opinion cu si no uza e inspiracion di nos cultura y haci algo cu ne esaki ta bay perdi y asina aki e generacion nobo lo no conoce ni disfruta di dje. 'Mi ta inspira pa keda comparti mi musica y keda bay pa dilanti. Por medio di diferente conciertonan mi ta purba comparti mas cu ta posibel. E ta hopi importante pa nos traha hunto, pa nos inspira otro pa ideanan nobo, pa un rosea nobo pa asina nos hiba nos cultura dilanti', Michael Lampe ta bisa.